

2024 ԹՎԱԿԱՆԻ «ԵՐԻՏԱՍԱՐԴԱԿԱՆ ԱՇԽԱՏՈՂԻ ՎԵՐԱՊԱՏՐԱՍՏՈՒՄ»

ՄԻՋՈՑԱՌՄԱՆ ՇՐՋԱՆԱԿՆԵՐՈՒՄ ԴՐԱՄԱՇՆՈՐՀԻ ՀԱՏԿԱՑՄԱՆ ՄՐՅՈՒՅԹԻ  
ՀԱՆՁՆԱԺՈՂՈՎԻ (այսուհետ՝ հանձնաժողով)

2024 թ. փետրվարի 22-ին 12:00-ին կայացած նիստի

ք. Երևան

**Նիստը նախագահում էր՝**

Արթուր Մարտիրոսյան - ՀՀ կրթության, գիտության, մշակույթի և սպորտի նախարարի տեղակալ (հանձնաժողովի նախագահ)

**Մասնակցում էին՝**

Զարա Ասլանյան՝ - ՀՀ կրթության, գիտության, մշակույթի և սպորտի նախարարության երիտասարդության հարցերի վարչության պետ (Հանձնաժողովի անդամ)

Արմենուհի Պետրոսյան՝ - ՀՀ կրթության, գիտության, մշակույթի և սպորտի նախարարության երիտասարդության հարցերի վարչության գլխավոր մասնագետ (Հանձնաժողովի անդամ)

Նարինե Հովհաննիսյան - ՀՀ կրթության, գիտության, մշակույթի և սպորտի նախարարության Լրացուցիչ և շարունակական կրթության բաժնի գլխավոր մասնագետ ժ/պ (Հանձնաժողովի անդամ)

Վերոնիկա Խորասանյան - ՀՀ կրթության, գիտության, մշակույթի և սպորտի նախարարության երիտասարդության հարցերի վարչության գլխավոր մասնագետ (Հանձնաժողովի քարտուղար)

**Օրակարգային հարցեր**

1. Դրամաշնորհային մրցույթին դիմած հայտերի բացում
2. Հաջորդ նիստի օրվա, ժամի և վայրի հաստատում

Արթուր Մարտիրոսյանը հանձնաժողովի նիստը հայտարարեց բացված և ներկայացրեց օրակարգի հարցերը: Հանձնաժողովը որոշեց հաստատել հանձնաժողովի նիստի օրակարգը:

**Կողմ 4, դեմ 0**

**1. Օրակարգի 1-ին հարց**

Հանձնաժողովի կողմից հայտերի բացումը տեղի ունեցավ ս.թ. փետրվարի 22-ին՝ ժամը 12.00-ին [www.armeps.am](http://www.armeps.am) էլեկտրոնային համակարգի միջոցով: Հանձնաժողովն արձանագրեց, որ ՀՀ կրթության, գիտության, մշակույթի և սպորտի նախարարության կողմից էլեկտրոնային եղանակով կազմակերպված ԵԲ-ԴՄ-ԵԱ-02/24 ծածկագրով դրամաշնորհային մրցույթի ընթացակարգին հայտ է ներկայացրել մեկ կազմակերպություն:

Հ/Հ	Մասնակցի անվանումը	Մասնակցի հասցեն	Մասնակցի էլ. հասցեները	Մասնակցի հեռախոսահամարները	Մասնակցի առաջարկած գինը /ՀՀ դրամ/
1	«Աութորս» ՍՊԸ	ՀՀ, ք. Երևան, Սարմենի 1,2/1 տրծք.	<a href="mailto:info@osllc.am">info@osllc.am</a> <a href="mailto:nairababayan2118@mail.r">nairababayan2118@mail.r</a> <u>u</u>	033 888885	7 956 000

Հանձնաժողովն ուսումնասիրեց ստացված հայտերը և արձանագրեց հետևյալը «Աութորս» ՍՊԸ կողմից ներկայացված հայտի փաթեթի դրամաշնորհային ծրագրի (Ծրագիր) առնչությամբ.

- Ծրագիրը թերի է, բովանդակային լրամշակման կարիք ունի, մանրամասն նկարագրված չեն Ծրագրի գործողությունները,
- «Ծրագրի աշխատակազմը» աղյուսակում ներկայացված է միայն աշխատակազմը, Ծրագրում ներգրավվող փորձագետների և դասընթացավարների մասին տեղեկատվությունը բացակայում է,
- Բացակայում են Ծրագրի աշխատակազմի յուրաքանչյուր անդամի գրավոր համաձայնությունը Ծրագրում իր ներգրավվածության և վարձատրության չափի վերաբերյալ, ինչպես նաև՝ Ծրագրի աշխատակազմի ինքնակենսագրականները չեն պարունակում Ծրագրով ստանձնող գործառույթների լիարժեք իրականացումը հավաստող արժանահավատ տեղեկատվություն,
- Դասընթացավարները ներկայացված են՝ առանց գործառույթների նկարագրման, ներկայացված չէ, թե որ դասընթացավարը որ թեմայի (թեմաների) համար է պատասխանատու,
- Ծրագրում ներկայացված է 7 հրավիրյալ մասնագետի մասին տեղեկատվություն, սակայն, ըստ դրամաշնորհի հրավերի պահանջի, անհրաժեշտ է ներկայացվել առնվազն 6 դասընթացավարի և 2 փորձագետի մասին տեղեկատվություն,
- «Հանրահոշակում և Ծրագրի տեսանելիության բարձրացմանն ուղղված քայլեր» ենթաբաժինը լրացված չէ,
- «Աշխատանքային պլան» աղյուսակում «Պատասխանատու» սյունակը լրացված չէ,
- Միջոցառումների աղյուսակը լրամշակման կարիք ունի, հստակ պետք է ներկայացնել յուրաքանչյուր միջոցառման իրականացումից ակնկալվող արդյունքները, միջոցառման աղյուսակում նշված «պահանջվող գումարը» պետք է համապատասխանի դրամաշնորհային ծրագրի բյուջեի հետ, լրացված չէ «հաշվետվության ներկայացման կարգն ու ժամկետը»:

«Աութորս» ՍՊԸ կողմից ներկայացված հայտի փաթեթի ֆինանսական նախահաշվի առնչությամբ՝

- 1.1 և 1.2 ծախսային տողերը ներկայացնել՝ ըստ ամիսների,
- «2.1 – Հյուրանոցային ծառայություն» ծախսային տողի համար ներկայացված «Մարիա-Ռես» ՍՊԸ-ի գնային առաջարկից պարզ չէ հյուրանոցի գտնվելու վայրը, բացի այդ ֆինանսական նախահաշվում տվյալ ծառայությունը անհրաժեշտ է ներկայացնել մեկ միավորի արժեքի հաշվառմամբ
- «2.3 – Գրենական պիտույքներ» ծախսային տողի բացվածքը ներկայացված չէ,
- Բացակայում են դրամաշնորհային հրավերի ՄԱՍ 1-ի 4-րդ կետի 2)-րդ ենթակետով պահանջվող գնային առաջարկները ֆինանսական նախահաշվի 2.2 և 2.3 ծախսային տողերի վերաբերյալ:

### Օրակարգային 1-ին հարցի քննարկումից հետո Հանձնաժողովը որոշեց.

1. Առաջարկել «Աութորս» ՍՊԸ-ին լրամշակել ներկայացված հայտը՝ համաձայն հանձնաժողովի արձանագրումների:

2. Լրամշակված հայտի ներկայացման համար սահմանել ժամկետ՝ մինչև փետրվարի 27-ը ներառյալ՝ ուղարկելով լրամշակված հայտը հանձնաժողովի քարտուղարի էլեկտրոնային փոստին՝ [veronika.khorasanyan@escs.am](mailto:veronika.khorasanyan@escs.am) :

Կողմ 4, դեմ 0

## 2. Օրակարգի 2-րդ հարց

**Օրակարգի 2-րդ հարցի քննարկումից հետո քվեարկության արդյունքում որոշվեց.**

Հանձնաժողովի հաջորդ նիստի օր սահմանել 2024 թվականի փետրվարի 28-ը՝ ժամը 12:00 (ՀՀ կրթության, գիտության, մշակույթի և սպորտի նախարարության 6-րդ հարկի 605 աշխատասենյակ՝ հասցե՝ Վազգեն Սարգսյան 3):

Կողմ 4, դեմ 0

Արթուր Մարտիրոսյան

Զարա Ասլանյան

Արմենուհի Պետրոսյան՝

Նարինե Հովհաննիսյան

Վերոնիկա Խորասանյան

